

經律異相卷第三十二

將二

梁沙門僧旻 寶唱等奉勅撰

行菩薩道諸國王子部第二十二之二

能施求珠兩寶施閻浮人一

善友好施求珠喪眼還明精一二

長生欲報父怨後還得國三

遮羅國儲形醜失妃運智還得四
慕魄不言被埋後言得修道五

薩埵王子捨身六

人藥王子救疾七

有一王子聞宿命事怖求以還佛八

無畏王子耆婆學術九

能施求珠兩寶施閻浮人第一

有大醫王療一切病不求名利爲憐愍故病者甚多力不周贍憂念一切而不從心懊惱

而死即生忉利天上自思惟言我今生天但食福報無所長益即自方便自取滅身捨此天壽生婆迦陀龍王宮中爲龍太子其身長大父母愛重欲自取死就金翅鳥王鳥即取此龍子於舍摩利樹上吞之父母號咷啼哭

懊惱龍子既死生閻浮提爲大國王太子名曰能施生而能言問諸左右今此國中有何等物盡皆持來以用布施衆人怪畏皆捨之走其母憐愛獨自守之語其母言我非羅刹衆人何以故走我本宿命常好布施我爲一切人之檀越母聞其言以語衆人衆人即還母好養育及年長大自身所有盡以施盡至父王所索物布施父與其分復以施盡見閻浮提人貧窮辛苦思欲給施而財物不足便自啼泣問諸人言作何方便當令一切滿足

於財諸宿人言我等曾聞有如意寶珠若得此珠則能隨心所索無不必得白其父母欲入大海求龍王頭上如意寶珠父母報言我唯有汝一兒耳若入大海衆險難度一旦失汝我用活爲我今藏中猶亦有物當以給汝將二兒言藏中有限我意無極欲充滿一切令無短之願見聽許得遂本心使閻浮提人一切充足父母知其志大不敢制之遂放令去是時五百賈客皆樂隨從知其行日集海道口太子問衆人言誰能知道至彼龍宮有一盲

人名曰陀舍已曾七反入大海中具知海道
菩薩即命共行答曰我年既老兩目失明雖
曾數入今不能去菩薩言我今此行不爲自
身普爲一切求如意寶珠欲給足衆生令身
無乏次以道法因緣而教化之汝是智人何
得辭耶我願得成豈非汝力陀舍同懷答言
我今入海命必不全安我屍骸著金沙洲上
船去如馳到衆寶渚衆寶競載寶物已足問
太子言何以不取報言我所求者如意寶珠
此有盡物我不須也汝等各當知足知量無

令船重不自免也是時衆寶賈白菩薩言大
德爲呢願令得安隱於是辭去陀舍是時語
菩薩言別留艇舟當隨別道待風七日博海
南岸至一險處當有絕崖棗林枝皆覆水大
風吹船船當摧破汝當仰攀棗枝可以自濟
我身無目於此當死過此險岸當有金沙洲
可以我身置此沙中金沙清淨是我願也即時二
三如其言風至而去既到絕岸如陀舍語菩薩
仰攀棗枝得以自免置陀舍屍安厝金地於
是獨去如其先教深水中浮七日齊咽水中

行七日齊腰水中行七日泥中行七日見好蓮華鮮潔柔軟自思惟言此華軟脆當入虛空三昧自輕其身行蓮華上七日見諸毒蛇念言舍毒之蟲甚可畏也即入慈心三昧行毒蛇頭上七日蛇皆擎頭授與菩薩令踏上而過過此難已見有七重寶城有七重漸壘中皆滿毒蛇有二大龍守門龍見菩薩形容端正相好嚴儀能度衆難得來至此念言此非凡夫必是菩薩大功德人即聽令前逕得入宮龍王夫婦喪兒未久猶故哀泣見菩薩

來龍有神通知是其子兩乳流出命之令坐而問之言汝是我子捨我命終生在何處菩薩亦自識宿命知是父母而答母言我生閻浮提上爲大國王太子憐愍貧人飢寒勤苦不得自在故來至此欲求如意寶珠母言汝父頭上有此寶珠以爲首飾難可得也必當將汝入諸寶藏隨汝所欲必欲與汝汝當報言其餘雜寶我不須也唯欲得大王頭上寶珠若見憐愍願以與我如此可得即往見父父大悲喜歡慶無量愍念其子遠涉艱難乃

來至此指示妙寶隨意與汝須者取之菩薩言我從遠來願見大王求王頭上如意寶珠若見憐愍當以與我若不見與不須餘物龍王報言我唯有一珠常爲首飾閻浮提人薄福下賤不應見也菩薩白言我以此故遠涉艱難致死遠來爲閻浮提人薄福貧賤欲以如意寶珠濟其所願然後以佛道因緣而教化之龍王與珠而要之言今以此珠與汝汝既去世當以還我答曰敬如王言菩薩得珠飛騰虛空如屈伸臂湏到閻浮提人王父母

特二

四

見兒吉還歡悅踊躍抱而問言汝得何物答言得如意寶珠問言今在何許白言在此衣角裏中父母言何其大小白言在其神德不在大也白父母言當勑城中內外掃灑燒香懸繒幡蓋持齋受戒明日清旦以長木爲表以珠著上菩薩是時自立誓願若我當成佛道度脫一切者珠當如我意願出一切寶物隨人所須盡皆備有是時陰雲普遍雨種種寶物衣服飲食卧具湯藥人之所須一切具足至其命盡常爾不絕如是等名爲菩薩布

施生精進波羅密

出大智論
第十二卷

善友好施求珠喪眼還明第二

過去閻浮提一時有二王利師跋國王名月波羅柰國王名月益同意周旋無有嫌隙嘗共立約若生兒子兩通姻好月益王男女俱無爲欲求兒祠於水神乃至種種鬼神脩羅

將一五

伏藏無端發出五百死囚從獄解脫第二夫人生多有怪異野干東鳴阿脩羅捉日五百應死者自然而死

出四分律三
分第九卷

王甚歡喜即請召相師占其吉凶令立名字相師問言此

兒生時有何瑞相答言第一太子其母慾妬家者五欲自恣快樂無乏仙人答曰可爾却後七日其一仙人命終

賢愚經云
黑色山入

即入第一

夫人胎復經七日其一仙人又復命終處第二夫人胎第一夫人足滿九月乃生一男顏色端正當生之日五百賈客從海而歸五百伏藏無端發出五百死囚從獄解脫第二夫人生多有怪異野干東鳴阿脩羅捉日五百應死者自然而死

出四分律三
分第九卷

王甚歡喜即請召相師占其吉凶令立名字相師問言此

兒生時有何瑞相答言第一太子其母慾妬家者五欲自恣快樂無乏仙人答曰可爾却後七日其一仙人命終

賢愚經云
黑色山入

即入第一

律云善行賢愚經云良那伽此言善事第二夫人生者問瑞相
答言其母由來調善言過身心懷妊已來其
性卒暴發言麤惡相師答言是兒之行使母
如是名曰惡友四分律云波婆梨伽此言惡事至年
十四善友太子聰明慈仁好喜布施父母偏
念視如眼目惡友暴惡父母所憎而不喜見
妬嫉於兄常欲毀害觸事不從違逆反戾太
子導從前後作倡妓樂大衆圍遠出城觀看
見有耕者墾土出蟲鳥隨啄食愍而傷之間
左右言此作何物共相殘害答言國依於民

民依飲食食依耕種太子言苦哉苦哉前行
復見男女紡織又問此作何物答言紡織作
諸衣服以遮慙愧蔭覆五形太子言此亦勞
苦非一也轉復前行見人屠牛剥羊又問此
復是何答言屠殺賣肉以供衣食太子言怪
持二哉苦哉強弱相害結殃累劫轉復前行見網
鳥餌魚又問又答張鳥捕魚太子悲淚滿目
世間衆生造諸惡本衆苦不息憂愁不悅即
迴車還宮王問何故憂愁太子具以上答王
言未嘗不有何足愁也太子言今欲從王求

索一願願得國藏財寶用施一切王言隨意
太子即使傍臣開王庫藏以五百大象負載
珍寶出四城門宣令國土隨有所欲恣意自
取善友太子聲聞八方一切雲集未久之間
三分用一藏臣白王王宜思量王言不欲違
之後復經少時諸臣共議國依庫藏庫藏空
竭國亦虛矣復往白王所有財寶三分用二
王宜深思王言不欲違之卿等可小稽遲莫
令不稱其心也太子欲開庫藏時守藏臣緣
行不在鄭重追逐差互不遂太子言小人何

敢違逆我意當是父王教耳夫孝子者不應
傾竭父母庫藏我今應當自求財寶給足衆
生我若不能給足一切衆生衣被飲食稱意
與者云何名爲大王太子即集諸臣百官共
議言夫求財利何業最勝或言田種或言畜
持三養有一大臣言世間求利莫先入海採取妙
寶若得摩尼寶珠者便能稱意給足一切衆
生太子言然即以白王王聞咽不得語後語
太子國是汝有庫藏珍寶隨意取用何爲入
海汝爲吾子生長深宮卧則幃帳食則恣口

今者遠涉塗路飢渴寒暑誰得知者大海之中衆難非一或有惡鬼毒龍猛風波浪水色之山摩竭大魚往者千萬達者一兩汝今云何欲入大海太子即便五體投地四布手足而作是言父母若不聽者我便捨命終不復起王及夫人即前勸諫終不飲食到於六日父母憂恐畏其不濟七日捉手善言誘喻太子言父母若不許者必沒於此第一夫人白王言如意心意難可傾動不可違戾何忍見子捨命於此願王垂慈聽入大海故萬有一

冀今不聽者必喪於此王便聽許太子歡喜頭面禮王大王宣令誰欲入海衆人聞之歡喜聚集具五百人皆言大王我等今者隨從太子有一海師前後數反入於大海善知道路通塞之相而年八十兩目瞑盲王白導師吾唯一子未曾出門勞屈大師隨入大海願見隨從導師即哭曰大海留難辛苦非一往者千萬達者一兩大王云何能令太子遠涉險道王報導師爲憐愍故隨從聽許導師言不敢違逆太子莊嚴五百人行具載至海邊

惡友念言善友爲父母偏心愛念今入大海採取妙寶若得還者父母當遺棄我白父母言欲隨善友入海採寶父母答言隨意道路急難之時兄弟相隨必相救護及至大海以七鐵鎖鎖其船舫停住七日日初出時太子擊鼓唱令汝等諸人誰欲入海入者默然若戀親愛可還去矣大海之中留難非一大衆默然即斷一鎖舉著船上日日唱令至第七日即斷七鎖望風舉帆太子慈心福德力故無諸留難得至海洲至珍寶山太子擊鼓宣

令道路懸遠速載珍寶極停七日復作是言此寶甚重閻浮提中亦無所直莫大重載船舫沉沒不達所在莫過少取道路懸遠不足補勞裝束已訖與諸人別而作是言汝等於是善安隱歸吾方欲前進採摩尼寶太子與盲導師更次前進路行一七日水齊到膝復更前行一七日水齊到頸又復前進一七日浮而得渡即到寶處導師問言此何物地耶太子答言其地純是白銀沙導師言四望應當有白山汝見之未太子言東南方有一白

銀山至此山下導師言次應到金沙導師疲乏悶絕辟地語太子言我命不久必喪於此太子於是東行一七當有金山從山復更前進一七純是青蓮華復前行一七其地純是紅赤蓮華復過一七有大寶城純以七寶裝校龍王所止龍王耳中有一摩尼如意寶珠汝往從乞若得珠者能滿閣浮提兩衆七寶衣被飲食醫藥聲伎隨意能出名如意珠導師語已氣絕命終太子抱持舉聲悲哭一何薄命生失於汝即埋著地中金沙覆上右遶

詩二

九

七市頂禮而去前過金山見青蓮華下有青蛇此蛇有三種毒所謂噉毒觸毒氣噓毒此諸毒蛇以身遶蓮華張目喘息而視太子太子即入慈心三昧起進前路蹋蓮華葉時諸毒蛇不毀不傷至龍王住處七重城塹滿中毒龍共相蟠結舉頭交頸守護城門太子到城門外見諸毒龍即入慈心念閣浮提一切衆生今我身若爲此毒龍所害者汝等衆生皆失大利即舉右手告毒龍曰汝等當知我今爲一切衆生欲見龍王毒龍開路令太子

入見二玉女紡玻瓈縷太子問曰汝是何人答言我是龍王守外門婢入到中門下見四玉女紡白銀縷太子復問汝是龍王婦耶答言非也是龍王守中門婢耳太子入至內門見八玉女紡黃金縷太子語言汝是何人答言我是龍王守門婢耳太子言汝爲我通大海龍王云閻浮提波羅柰國王太子善友故來相見今在門下時守門者即以白玉王大疑怪若非福德純善之人無由遠涉險路即請入宮王出奉迎紺瑠璃爲地七寶有種種

光明耀動人目太子說法示教利喜讚說施論戒論人天之論龍王心喜遠屈塗涉欲須何物太子言大王閻浮提一切衆生爲衣服飲食受無窮之苦今欲從王乞左耳中摩尼寶珠龍王言受我微供七日當以奉給太子

將二

十

受龍王請過七日持珠還閻浮提賢愚經言
城門堅閉見金剛杵在其門邊如師戒語取杵撞門門開有五百天女各持寶珠來奉太子最前一女珠瑞色受繫衣角龍王使諸龍神飛空送之得到此岸見弟惡友問言汝徒黨伴侶今何所在答言船舫沉沒一切死盡唯第一身牽

持死尸而得全濟一切財物今皆已盡善友言天下大寶莫先已身弟言不爾人願富死不願貧生何以知然弟曾至塚間聞諸死鬼作如是論善友真直以實語弟汝雖失寶亦是閑耳吾今已得龍王如意寶珠弟言今在

何處善友言今在髻中弟聞生嫉白善友言快哉甚善得此寶珠宜加守護善友解珠與弟而誡勅言汝若疲卧我當守護我若眠時汝應守護時惡友次應守珠其兄眠熟起取二乾竹刺刺兄兩目四分律云以法羅陀樹刺奪珠而去

善友喚惡友此有賊刺我兩目持寶珠去惡友不應兄便懊惱恐爲賊殺如是高唱聲動神祇經久不應樹神發聲言汝弟惡友是汝惡賊刺汝兩目持寶珠去太子悵然憂恚苦惱惡友齋珠還國白父母言我身福德而得

十
一
持二

全濟善友與伴沒水死盡父母號哭悶絕瞬地語惡友言汝云何乃能持是面來惡友聞是語已心生懊惱即以寶珠埋著土中善友被刺無人爲拔徘徊宛轉靡知所趣當時苦惱大患飢渴求生不得求死不得漸漸前行

到利師跋國其王有女先許與波羅柰王子
善友有一牧人爲王放五百牛隨逐水草太
子坐在道中牛羣垂逼牛王騎太子上令諸
牛過然後移足右旋宛轉反顧迴頭吐舌舐
太子兩目拔出竹刺牧人見之問言汝是何
人善友不陳本末答言我是盲乞兒耳牧人
遍察有異人相語言我家在近當供養汝即
將還家與種種飲食誠勑家人汝等待之如
我不異經月餘日其家厭患善友悵然明日
白主人言我今欲去主人曰有何不適善友

曰客主之儀勢不得久善友言若念我者乞
我一鳴箏送我著多人聚落時主人即隨意
供給送到利師跋城多人衆處善友彈箏其
音和雅悅可衆心一切大衆共給飲食王有
一果園其園茂盛常患鳥雀時守園監語善
友言爲我防護鳥雀我相供給我以繩結諸
樹頭安施銅鈴汝坐樹下聞鳥雀聲牽挽繩
頭善友言如是我能安處樹下兼復彈箏以
自娛樂時利師跋王女侍從入園見此盲人
即往其所問言汝是何人答言盲乞人耳王

女心生愛念不能捨離王復遣使往喚女歸
女言不去爲我送食供此盲人飲食訖竟白
大王言王今持我與此盲人甚適我願王言
鬼魅著汝顛狂心亂云何欲與盲人共居父
普二
母先以汝許與波羅柰王太子善友善友入
十二
海未還汝今云何爲乞人婦女言雖爾乃至
捨命終不捨離王聞是語不能拒逆即遣使
迎盲人來閉著靜室王女語盲人云我今共
汝以作夫婦善友報言汝是誰家女欲爲我
婦答言我是利師跋王女善友報言汝是王

女我是乞人云何能相恭敬婦言我當盡心
供奉後婦出行不白其夫良久乃還善友責
數汝私出外而不白我何處行還婦言我不
私行壻言私與不私誰當知汝婦自呪誓我
若私行令汝兩目始終不差若不爾者使汝
一目平復如故作是願已平滿如故睛光清
徹婦言汝信我不善友含笑婦言汝不識恩
養我是大國王女汝是小人而我盡心供事
於汝而不體信壻言汝識我不答言我識汝
是乞人壻言非也我是波羅柰王善友太子

婦言汝大愚癡人云何乃發是言波羅柰王太子入海未還汝今妄言耳吾不信也善友言我從生來未曾妄語婦言虛之與實誰當信之持二婦言我若欺誑汝者使我一目永不得愈若實語者使我一目平復如故令汝得見

十三即如所誓睛光耀動如本不異善友太子兩目平復面首端正妙色超絕婦見歡喜如蒙賢聖遍體瞻視目不暫捨即入宮中白父王言今我夫者即是善友太子王言癡人善友未還云何名乞人爲太子也女言不也若不

信者可一視之王即往看識是善友即懷恐怖而作是言波羅柰王若聞此事嫌我不少即前懺謝善友太子我實不知太子言無苦爲我餉致給與此牧牛人王即以金銀珍寶衣被飲食并與所放五百頭牛其人歡喜稱善無量而我未有幾恩報我如是高聲唱言夫陰施陽報弘廣無量大眾聞者皆發施心善友未入海時養一白鴈衣被飲食行住坐卧而常共俱夫人報此鴈言太子在時常共汝俱今生死未分汝不感念太子鴈即悲鳴

宛轉啼淚報言欲覓太子夫人手自作書以
結鴈頸身昇虛空飛翔而去飛至大海求覓
不見次第往到利師跋國遙見善友在宮殿
前其鴈往趣悲鳴歡喜太子即取母書頭頂
禮敬發封披讀即知父母晝夜悲哭追念太
子兩目失明太子手書以具上事結鴈頸還
波羅奈父母得書歡喜踊躍稱善無量具知
太子爲惡友所苦奪取寶珠父母極憤惡友
閉著牢獄遣使往告利師跋王汝今云何擁
遮太子令我憂苦利師跋王心生恐怖即嚴

服太子送著界上遣使往白以女妻之遣送
還國父母乘大名象作倡妓樂掃灑燒香懸
繪旛蓋遠迎太子國土人民男女夫婦聞太
子還皆出奉迎太子前禮父母父母目冥不
見太子以手觸摸汝是善友非我等念汝憂
苦如是太子問訊父母起居訖竟太子白父
王言惡友何在王言今在牢獄太子言願放
將二
惡友得與相見如是至三王不忍拒便勑出
之即前抱持善言誘喻軟語問訊汝極勞苦
十四
持我寶珠今在何處如是至三而方報言在

彼土中太子還得寶珠往父母前跪燒衆妙
香即呪誓言此珠是如意寶者令父母兩目
明淨如故尋時平復見子歡喜太子於月十
五日朝淨自澡浴著鮮潔衣燒妙寶香於高
樓上手捉香爐頭面頂禮摩尼寶珠立誓願
言我爲閻浮提一切衆生忍此大苦求是寶
珠時東方有大風起吹去雲霧燄然明淨并
聞浮提所有糞穢大小便利灰土草莽清風
吹蕩悉令清淨以珠威德於閻浮提徧雨成
熟自然粳米香甘軟細色味具足溝渠盈滿

積至于膝次雨衣服珠環釤鉶次雨七寶衆
妙妓樂衆生所須皆悉充足後月益王崩即
嗣立焉惡友啓曰我乞食自活王言汝守護
我頭我與汝食王復睡眠拔刀欲斬王首而
其首自墮王覺問之答曰天造其業時父者
提婆達多是月王女者瞿夷是善友者我是

今悅頭檀是時母者今摩耶夫人是惡友者

十五

提婆達多是月王女者瞿夷是善友者我是

也出佛報恩經第三卷又
出賢愚經大同小異也

長生欲報父怨後還得國第三

昔有菩薩爲大國王名曰長壽王有太子名

曰長生王治以正刀杖之苦不加吏民風雨
以時五穀豐饒有隣國王立行暴害不修正
治國民貧困謂傍臣曰聞長壽王多饒豐樂
無兵革之備我欲奪取臣曰大善興兵攻伐
長壽王告羣臣曰彼貪我財若與交戰必傷
我人民夫爭國殺民吾不忍也羣臣不從發
兵出界迎而拒之王與太子踰城幽隱貪王
入國募求長壽賞金千斤錢千萬後王出道
邊樹下遇婆羅門問何處來答曰我貧道士
聞長壽王好施遠來告乞王默念值我失國

垂淚曰我即是王也遇我如此無可相副兩
人啼泣王曰我聞新王求我甚重卿持我頭
詣之必獲厚賞婆羅門曰我之薄福不敢承
命王曰卿故遠來遇我困乏人生會有死願
以相惠何爲辭讓答曰何忍相殺必欲惠施
者願相隨還國於是同反臨至城門王令其
縛白貪王即賞金錢遣令還去於四街道路
欲燒殺長壽郭邑草野莫不呼天太子聞之
出當父前心中悲痛父恐子報怨讐乃仰天
歎息曰此死我之所樂也欲爲至孝使汝父

死不恨勿報怨也長生不忍見父死還入山
中王既死後長思念言我父仁義深篤至死
不轉貪王無狀不別善惡枉殺我父我不能
忍若不殺之終不苟生乃出傭債大臣借其

時二

十六

種菜菜好大臣問園監監答借得一人甚之
勤能也大臣呼長生問言卿能作飲食不答
曰能後乃請王飲食甘美王問誰作答曰作
人王即呼還宮使作飲食王後問曰汝能習
兵法不對曰最便王使侍左右告之曰我有
怨家恒恐相值今相恃怙相助備之對曰唯

當爲大王展力効命後日王問寧好獵不對
曰臣少好獵王便勑外嚴駕因與長生共出
遊獵適入山林便見走獸王與長生馳而逐
之轉入深山失道三日遂至飢困王因下馬
解劍以授長生曰我甚疲極汝坐我欲枕汝
膝卧長生拔劍欲殺貪王思其父勑內劍而
止如是三過王便驚寤問長生曰我夢見長
壽王子欲來見害長生曰是中強鬼來相恐
耳最後去原赦長生曰我即是長壽王太子
故來欲殺大王我父臨死苦囑莫邦王怨我

思父教投劍於地以從父勑雖爾猶恐後日

迷惑失計願大王便殺我身王乃自悔曰我

爲兒逆不別善惡賢者子父行仁淳固至死

不轉而我貪酷初不覺知今日命屬于手子

故懷仁唯憶父言能不相害誠感厚恩今欲

還國當從何道長生言我知道徑前故迷王

欲報父怨耳遂俱出林便見部曲王還本國

以此國還太子共結兄弟誓不侵奪更相貢

遺共濟急難長壽王者我身是太子者阿難

是貪王者調達是

出長壽
王經

遮羅國儲形醜失妃運智還得第四

昔遮羅國王嫡后無嗣王甚悼焉命曰爾歸

女宗以求有嗣之術后泣辭退誓命自捐投

隕山殂遂之林敷帝釋感曰斯王后者故世

吾姊也今以無嗣捐軀山險愴然愍之忽爾

降焉以器盛果授之曰姊爾吞斯果必有聖

嗣將爲世雄若王有疑以器示之斯天王神

器明證之上者后仰天吞果忽然不覩即覩

身重還覩王具以誠聞月滿生男厥狀莊陋

世間希有年在韶齡聰明博暢智策無儔力

能辟象走獲飛鷹舒聲震響若師子吼名流
遐邇八方咨嗟王爲納隣國之女厥名月光
端正妍雅世好備足次有七弟又亦姝好后
懼月光惡太子狀訛曰吾國舊儀室家無白
日相見視之重者也妃無失儀矣對曰敬諾
不敢替尊教自斯之後太子出入未常別色
深惟本國與七國爲敵力諱無寧兆民吁嗟
吾將權而安之心自惟曰吾體至陋妃觀必
邁啓母欲一覩妃儀容后曰爾狀醜妃容華
豔太子重辭后愍之將妃觀馬太子佯爲牧

人妃覩之曰牧人覩乎后曰斯先王牧夫矣
後將觀象妃又覩焉疑之曰吾之所由輒覩
斯人將是太子乎妃曰願見太子之光容后
即權之令其弟出遊以太子官僚翼從后妃
觀之厥心微喜後又入苑太子登樹以果擲
背妃曰斯是太子定矣夜伺其眠默以火照
前二十八覩其姿狀懼而奔歸后忿曰焉使妃還乎對
曰妃邁天下太平之基民終寧其親矣拜辭
尋之至妃國佯爲陶家貨作瓦器又入城貨
染又爲大臣貨養馬肥又爲太官監典諸餉

鑄以羹入內王有八女並欣其事月光不貳
帝釋歎曰菩薩憂濟衆生乃至于茲吾將權
而助之挑七敵國化爲月光父王手書以月
光妻之七國興禮造國親迎俱云娉娶王女
名曰月光訟之紛紜各出手書厥怨齊聲云
當滅爾嗣其爲不貸使還書僉然誥曰以爾
一女爲七國怨齊兵盛發念爾喪國在于今
矣王聞懼曰斯禍將至乃宿行所招謂月光
曰爾爲人妃若壻明愚吉凶好醜厥由宿命
孰能禳之而不貞一盡孝尊奉薄壻還國禍

至于茲吾今當七分爾尸以謝七王耳月光
泣曰願假吾命漏刻之期募求智士必有能
却七國之患者也王即募曰孰能禳斯禍者
妻以月光育以無福太子曰疾作高觀吾能
禳之觀成太子權病躇步頓地須月光荷負
爾乃却敵矣月光惶灼懼見屠戮扶格登觀
第十九
太子高聲曰七國王厥音速震若師子之吼
喻以佛教爲大牧民當以仁道而今興怒盛
即禍著即身喪國亡其由名色乎七國師雄
靡不尸踰者斯須而蘇欲旋本土太子啓王

婚姻之道莫若諸王矣何不以七女適彼七
王子婿爲蕃屏王元康矣臣民休矣親獲養
矣王曰善哉斯樂大矣遂命七王以女妻之
八婿禮敬居民欣欣王逮臣民始知太子月
光之舊婿也即選良輔武士翼從各令還國
九國和寧兆民抃舞僉然歎曰天降聖權非
凡所照德聚功成晏然無譏還國有年大王
崩殂太子登位大赦衆罪以五戒六度八齋
十善教化兆民災孽都息國豐衆安大化流
行皆奉三尊德盛福歸衆病消滅所以然者

菩薩宿命室家俱耕令妻取食望覩妻還與
一辟支佛俱行隱山崖久不至疑心生焉
興忿執鋤欲往捶之至見其妻以所食分供
養沙門退叉手立沙門食竟擲鉢虛空光明
曠曠飛行而退婿心悔愧念妻有德乃致斯
尊吾有重愚將受其殃即謂妻曰爾供養福
吾當共之餘飯俱食爾無就也至其命終各
生王家妻有淳慈之惠生而端正婿先恚而
後慈故初醜而後好也太子者我身是妻者
俱夷是父王者白淨王是母者吾母舍妙是

天帝釋者彌勒是開士世世憂念衆生賑濟
塗炭出遮羅國王經

慕魄不言被埋後言得修道第五

時波羅柰國王太子名曰慕魄端正絕雙自
識宿命無數劫事所更善惡壽夭好醜皆悉

持二

二十一

知見年十三歲閉口不語王唯一子舉國愛
重當襲王位不說飢寒恬淡質朴意若枯木
雖有耳目不存視聽智慮雖遠如無心志猶
若盲聾不說東西狀如朦朧不與人同其父
憂慮甚用患苦深恥隣國恐見凌嗤因呼國

中婆羅門問之此子何故不能言語諸婆羅
門言此子雖面目端正內懷不祥欲害父母
危國滅宗將至不久不復生子者皆是此惡
子所妨宜生埋之王身可全保國安宗然後
更得生貴子耳不者甚危王信狂愚謂爲審
然即用愁憂坐起不寧嬉樂不御服美不甘
即與耆長大臣共議之言遠棄深山或言投
沉深水有一臣言但作深坑傍入如室給與
資糧侍以五僕生置其中從命所如王即隨
之太子悲感傷其愚惑其母憐愛之用傷絕

曰我子薄命乃值此殃涕泣啞伊事不得已
俛仰放捨悉取太子所有衣服瓊瑤珠寶皆
用送之僕使於外因共作坑作坑未竟慕魄
獨於車上深自思惟心與口語王及人民皆
共謂我審爲癡癡所以不語欲捨世緣安身

附二

三十一

避惱濟神離苦耳今反爲狂詐所危既沒身
命陷墮彼人便默自取其瓊瑤珠寶持去作
坑人輩不覺慕魄取物去時慕魄即到水邊
淨自潔浴以香塗身悉取衣被瓊瑤著之到
掘坑所問曰作坑何施其僕對曰王有太子

名曰慕魄瘡瘍聲癡年十三歲不能言語我
等作坑欲生埋之太子答曰我即慕魄也作
人驚怖走視車上不見所在還至坑所諦熟
觀察聽聞言語絕有異聲光影如月世所希
聞動其左右行者駐步坐者爲起飛鳥走獸
皆來會聚伏太子前聽太子語又曰觀我手
足察我形容云何羣迷信此狂誕生見埋棄
發言成章左右驚惶皆作禮叩頭求哀原赦
太子曰今已見棄不宜復還僕即奔馳以白
王王聞悲且喜即與夫人驂駕往迎王未到

頃慕魄自念當行學道帝釋化作園樹快樂無比王遙見太子在樹下坐慕魄見王即起迎逆王爲作禮慕魄則曰大王就坐王聞太子語言音聲威神無量震動天地絕無雙比則大歡喜便統慕魄共還入國居位理政吾請避席慕魄曰不可我以畏厭地獄勤苦愁毒多端吾昔曾作王名曰須念以正法治國奉行衆善二十五年鞭杖不加刀兵不設獄無繫者惠施仁愛恩德流普救濟窮滯無所貪惜雖有此行猶犯微罪終墮地獄六萬餘

歲煎煮剥裂痛酷難忍求死不得生無聊賴當爾之時父母有財富而且貴快樂無極寧能知我在彼地獄考治劇乎豈復能來分取我苦所以墮罪者往昔作王小國統屬性甚慈仁戒德方峻法令不嚴諸小國王皆見輕易咸共謀議將二今此大王既善且弱威竿不攝德不堪任統御大國當應誅伐廢退之耳二十二即舉兵衆來征大國時王須念逆以珍琦財寶皆賜遺之復以重官厚祿撫卹慰喻誘而安之即還本國如是未久復來攻伐數數非一

大國羣臣上白大王諸小臣國愚闇無義無
慮罪疊數爲慢突謀殺悖逆觸犯尊上令民
驚擾防備不息當應誅斬以除寇害王曰爲
民父母當務仁化恕已育物危命濟衆彼猶
嬰孩愍其無識以漸誘導不忍加害王普愛
物命永無誅伐大國羣臣不忍數爲臣屬小
國所易忿不顧難舉兵討伐殘殺人民大王
兩淚即爲諸國死亡人民服喪猶子矜愍無
極諸小國王見大王慈心矜念人民即皆降
伏遂來歸附大王普設珍饍應須烹殺牛羊

六畜以具衆味輒先啓王王心雖慈事不獲
已領頭即可緣是得罪勤苦如是每一念之
心甚戰慄體虛冷汗追憶過世所更吉凶安
危成敗恐復與會冀以靜默免脫瑕穢出庶
塵勞求辭於俗不與厄會適復念欲閉口不
言被王生埋恐王後時復得是殃因入地獄
持三
無有出期我意不欲令王得罪故復語耳守
意無爲不樂爲王人民世間恍惚若夢室家
歡娛須臾間耳計命無幾憂畏延長樂少苦
多衆惱萬端是故智者以國財寶恩愛爲累

衆欲爲塵使吾爲王當復橋逸貪求快意令
民憂煩天下之大患也今欲除棄反流盡源
拯濟未度生世若寄無一可恃不貪富貴不
重珍寶棄捐世榮思想大道高明速逝自拔
於世父王曰汝爲智人不可便爾慕魄曰何

聞父子生而相棄骨肉已離爲行甚憊苦相
迎接徒益勞煩父覩志堅惘然失措無辭可
答乃曰如汝前世作國王時奉行衆善纔有
小失非所憶知而尚受罪勤苦如是今我治
國不奉正法旣無微善反是愆非純行危殆

罪當何訾便放太子聽行學道太子於是棄
國捐王不務人物一心專精念道修德功勲
累積遂至如今慕魄者我身是父王者閼頭
檀是母者摩耶是相師調達是時侍僕者阿
若拘隣等五人是出太子慕魄經

薩埵王子捨身第六

過去有王名摩訶羅陀修行善行國無怨敵
王有三子長名摩訶波那羅次名摩訶提婆
小名摩訶薩埵共出遊觀至一竹林憩駕止
息轉復前行見有一虎新生七日七子圍繞

飢餓窮悴身體羸損命將欲絕第一王子言
怪哉此虎不得求食爲飢所迫必還歟子第
三王子言此虎經常所食何物第一王子曰
食熱血肉第三王子曰誰能與此虎食第二
王子曰其虎餘命無幾設餘求者必不濟及

持二二十四

誰能不惜身命第一王子曰難捨之至莫過
己身第二王子曰智慧薄少貪惜深重不能
捨身聞即驚怖唯有大士心懷憂念慈悲爲饒益
他捨此身命不足爲難皆懷憂念熟視而去
第三王子心念我捨身時至自從昔來空棄

此身都無所爲常護屋宅衣服飲食種種將
養令無所乏不識恩愛反生怨害終歸無常
既無利益可惡如賊又如行廁我今此身於
生死海作大橋梁無量癱瘓疾百千怖畏
大小便利筋血皮髓共相連持我今當捨以
求寂滅無上涅槃無量禪定智慧功德具足
成就微妙法身與諸衆生作諸法樂慮其二
兄爲作留難即便白兄可與眷屬前還所止
薩埵還至虎所脫諸衣裳懸置竹上我爲菩
提智永離三有即自放身卧餓虎前虎不能

食以乾竹刺頸從高投下大地震動日無精
光天雨雜華種種妙香空中讚言得未曾有

虎即舐血漸能噉肉轉得食力唯餘骨在

出金

光明經
第四卷

人藥王子救疾第七

附二

二十一

過去世時閻浮提人疫病劫至普皆疾惱爾
時間浮提王名摩醯斯那領八萬四千大城
威勢自在最大夫人懷妊已來手觸病者皆
得除瘥月滿產男生而即說言我能治病又
亦生時間浮提內諸天鬼神皆共唱言今王

所生便是人藥以是音聲普流聞故字曰人
藥時將病人示此王子諸病人至王子手觸
若以身觸即皆得瘥安隱快樂人藥王子於
千歲中如是治病後則命終諸病人來聞其
已死憂愁啼泣誰復度我病痛苦惱諸病人
言人藥王子何處燒身問知所在趣其燒處
出骨擣末以塗其身即皆得瘥骨盡之後至
然身處病皆得瘥人藥王子我身是也

出菩薩藏

有一王子聞宿命事怖求以還佛第八

卷經下

有一王子欲知宿命乃以問佛佛言不用知之令人憂愁王子故欲得知如是至三佛便授戒令知宿命於是王子自視其事十五應死憂愁不可言至年十五便死王家葬埋種柏長大下根入地正當其心識神故在體視柏根生正貫我心爲生貫其心於是從根出柏葉之間復見羊來自念此羊噉柏當復害我會羊來食在羊腸中從羊屎出依附羊屎國家錄糞取以糞蓋依糞葉間會王后思蓋勑外令送園師持刀欲割取糞恐刀見害事

事愁憂彌不可言園師割糞束送王家在糞束中王家得糞后便食之隨糞入腹作子月滿便生遂年長大復識宿命便詣佛所白言我不復用知宿命令我愁憂今以知宿命還佛佛語太子我爾時不欲與汝汝爲欲得之

今乃悔可聽

出雜譬喻
經第八卷

三十六

無畏王子耆婆學術第九

王舍城有童女字婆羅跋提王勑爲立婬舍有共宿者盡夜二百兩金四方人集觀望極好時瓶沙王子字無畏與此婬女共宿遂便

有娠時姪女勑守門人言若有來見我者答言我病後日月滿生一男兒顏貌端正時彼姪女即以白衣裹兒勑婢棄巷中無畏王見即問旁人言此是何等答言此是小兒問言死活答言故活使人抱還舍與乳母養之即爲作字名耆婆童子後漸長大王子愛之喚草有非是藥者持來時耆婆童子即如師語周竟不得非是藥者所見草木及一切物善能分別知所用處無非藥者還以白師師答汝今可去醫道已成我於閻浮提中最爲第

一我若死後次復有汝歸婆伽陀城城中大長者婦十二年中常患頭痛衆醫療治而不二七能瘥耆婆聞之即往其家語守門人言白汝姓阿提梨字賓迦羅學經歷七年乃白師言我今習學何當有已時師與一籠器及掘草之具汝可於得叉尸羅國面一由旬求覓詳將二草有非是藥者持來時耆婆童子即如師語周竟不得非是藥者所見草木及一切物善能分別知所用處無非藥者還以白師師答汝今可去醫道已成我於閻浮提中最爲第

宿諸醫治之不瘥況復年少若無所損喚入

時耆婆詣長者婦即取好藥以酥煎之灌長

者婦鼻及口中酥唾俱出使人以器承之酥

還收取唾別棄之時耆婆言此少酥不淨猶

尚慳惜情況能報我長者婦答言爲家不易棄

之何益可用然父是故收取汝但治病何憂

如是後病得瘥時長者婦與四十萬兩金并

奴婢牛馬耆婆還王舍城到無畏王子門王

喚入以前因緣具白王子以所得物盡用奉
上王子言此是耆婆童子最初治病

出律二分四

第二卷故是祇城說事既異故兩存之

經律異相卷第三十二

第二

三十一

音釋

厝倉故安置也

塗七豔切

懶切

舐切

舐急生也

舐舐也

舐舐也

舐舐也

舐舐也

舐舐也

舐舐也

舐舐也

舐舐也

挽武遠切

歟吉了切

陷羽敏切

陷陷也

延烏光切

瞷羽鬼切

瞷覲切

瞷覲也

瞷烏光切

瞷羽鬼切

瞷覲切

瞷覲也

瞷覲也

瞷覲也

瞷覲也

瞷覲也

瞷覲也

瞷覲也

瞷覲也

瞷覲也

瞷覲也